

Morning Dogri (NSD) Bulletin

09-July--2026

आकाशवाणी

खबरां जगमोहन शर्मा कोला

खास-खास खबरां:-

1. प्रधानमंत्री नरेन्द्र मोदी होंरें भारत- आस्ट्रेलिया CEO फोरम ते दौनें देशे दे उद्योग जगत दे प्रमक्खें गी बी सम्बोधित कीता ऐ- आखेआ जे भारत ते आस्ट्रेलिया दी सांझ-भ्याली इक बदलावकारी ते हाई-टैक दौर च दाखल होई गेदी ऐ।
2. प्रधानमंत्री नरेन्द्र मोदी अज्ज मेलबर्न च आस्ट्रेलिया दे प्रधानमंत्री एन्थनी अल्बानीज़ हुंदे कन्ने गल्लबात करडन।
3. केन्द्र सरकार नै तमिलनाडू दे तोतापुरी अम्बें दे करसानें गी भारी नुक्सान शा बचाने लेई उन्दे लेई मार्केट इंटरवेशन स्कीम शुरु कीती ऐ जेहदे तैहत 96 जहार 879 मीट्रिक टन अम्बें दी सरकारी खरीद कीती जाहगा।
4. उत्तर प्रदेश सरकार नै राज्य दे टीचरें लेई मुख्मंत्रि शिक्षक केश लेस चिकित्सा योजना दी शुरुआत कीती ऐ।
5. अंतराश्ट्रीय मुद्रा कोष IMF नै अपने जुलाई 2026 दे कलेंडर बरे बारे ताजा अनुमान मुजब भारत सकल घरेलू उत्पाद यानी GDP दे 7 प्रतिशत बने दे रौहने दी मेद जताई ऐ- भारत दुनिया दी सब्भनें शा तेजिया कन्ने बरोस करने आहली अर्थबवस्था बनी दी ऐ।
6. अमरीका नै ईरान पर परतिये ब्हाई हमलें कीते न। ए हमलेंअमरीकी राष्ट्रपति डोनाल्ड ट्रम्प आसेया ईरान दे , परतिये कीते गेदे हमलें दे बाद कीते गे न।
7. भारत दे 18एं बरे दे टेनिस खडारी अणर्व पापर कर ने विम्बेल्डन 2026 च मर्दे दी सिगल्स स्पर्धा च क्वाटर फाइनल च पुज्जियै इतिहास रची दिता ऐ।



PM- Australia Visit

प्रधानमंत्री नरेन्द्र मोदी अज्ज मेलबर्न च आस्ट्रेलिया दे प्रधानमंत्री एन्थनी अल्बानीज़ हुंदे कन्ने गल्लबात करडन। दौनें नेताएं बशकार बपार-रक्षा-महत्वपूर्ण तकनीकें-शिक्षा ते जन-सम्पर्क च सहयोग मजबूत करने पर चर्चा होने दी मेद ऐ। इस गल्लबात कन्ने दौनें देशें बशकार व्यापक रणनीतिक सांझ-भ्याली गी नर्मी गति मिलने दी संभावना ऐ।

प्रधानमंत्री नरेन्द्र मोदी होंरें भारत- आस्ट्रेलिया CEO फोरम गी सम्बोधित कीता ते दौनें देशे दे उद्योग जगत दे प्रमक्खें गी बी सम्बोधित कीता ऐ-ओह मेलबर्न च प्रवासी भारतीयं कन्ने बी गल्लबात करडन। श्री मोदी आस्ट्रेलिया दे प्रधानमंत्री हुंदे साददे पर 3 दिनें दी जातरा पर कल संजा मेलबर्न पुज्जे। आस्ट्रेलिया च भारत दे हाई-कमिशनर नागेश सिंह होंरें दस्सेआ जे इक दहाके च श्री मोदी हुंदी आस्ट्रेलिया दी त्रीऽ जातरा पिच्छले किश बरें च दपक्खी सरबंधें च होई दी महत्वपूर्ण प्रगति गी दर्शादी ऐ। उंनें आखेआ जे भारत ते आस्ट्रेलिया बदलदे वैश्विक हालात करी नेडे आए न ते दौनें देश

इक्के नेह रणनीतिक हितें ते व्यापक सांझ-भ्याली गी सांझा करदे न। हाई-कमीशनर होरें गलाया जे दोनै मुख्यें बशकार केंई खेतरे च सहयोग दा विस्तार होआ ऐ-जेहड़ा भारत-आस्ट्रेलिया सरबंधें दी मज़बूती दे बन्न-सबन्नता गी दर्शादा ऐ। तौआई भारत-आस्ट्रेलिया CEO फोरम गी सम्बोधित करदे होई श्री मोदी होरें आखेआ जे भारत ते आस्ट्रेलिया दी सांझ-भ्याली इक बदलावकारी ते हाई-टैक दौर च दाखल होई गेदी ऐ। उनें 2030 तगर दपक्खी कारोबर गी 100 बिलियन डालरें दे लक्ष्य धोड़ी पुजाने दी भविक्ख दी रुपरेखा पर बी लोस पाई। प्रधानमंत्री होरें आखेआ जे आलमी सतह पर आपूर्ति श्रृंखलाएं च विघ्न दे दरम्यान भारत ते आस्ट्रेलिया इक-दुए दे होर नेड़े आए न। उनें 2030 तगर 500 गीगावाट अक्षय ऊर्जा समर्थ ते 2070 तगर कार्बन दे सिफर उत्सर्जन दे लक्ष्य गी हासल करने दे भारत दे मिशन पर बी लोस पाई।



T.N. Mango Farmers

केन्द्र सरकार नै तमिलनाडू दे तोतापुरी अम्बें दे करसानें गी भारी नुकसान शा बचाने लेई उन्दे लेई मार्केट इंटरवेशन स्कीम नांस कन्नै इक योजडना शुरू कीती ऐ जेहदे तैहत 96 ज्हार 879 मीट्रिक टन अम्बें दी सरकारी खरीद कीती जाहग। इस स्कीम दे तैहत अम्बें दी खुशखरीद लेई भाह इक ज्हार 545 रपे 41 पैहले फही टन तैह कीता गेआ ऐ। इस स्कीम दा मकसद करसानें गी राहत पुजाना ऐ कीजे जिसलै खुले बजारें च अम्बे दे भाह चानचक्क हेठ आई जंदे न तां करसानें गी अपनी फसल घाटे च बेचनी पौंदी ऐ ते इस स्कीम दे लागू होने कन्नै करसानें गी इस घाटे ते नुकसान कोला बचाया जाई सकोग।



UP –Cashless Health Scheme

उत्तर प्रदेश सरकार नै राज्य दे टीचरें लेई मुख्मन्त्री शिक्षक कैश लैस चिकित्सा योजना ते इक बड्डी दुर्घटना बीमा योजना दी शुरुआत कीती ऐ। एहदी शुरुआत मुख्मन्त्री योगी आदित्य नाथ होरें वाराणसी थमां कीती। आयुष्मान भारत योजना दी तर्ज पर हर इक टीचर ते ओहदे परोआर गी हर बरे 5 लक्ख रपे तगर दे मुफ्त इलाज दी सुविधा हासल होग। इलाज लेई टीचरें गी अपने खीसे शा कोई पैहा नैई देना पौंग ते एहदे पर औने आहले सलाना कोई साड्डे 4 सौ करोड़ रपे दा खर्चा राज्य सरकार चुककोग। इस योजना तैहत नियमित टीचरे दे इलावा शिक्षा मित्र-कस्तूरबा गांधी बालिका विद्यालय दे कर्मचारी- मिड दे मील दे रसोइए ते होर दुआ अमला बी लाह हासल करी सकगंन।



VP-Odisha Fisheries

उपराश्ट्रपति सी.पी राधाकृष्णन अज्ज ओडिशा दे भुवनेश्वर च समुंद्री जैविक बन-सबन्नता दा संरक्षण कदे होई खुल्ले समुंद्रें च सतत मच्छी पालन लेई इख्तयार सरबंधी पत्र ते ओडिशा गैहरे समुंद्री मच्छी पालन मिशन बारै दस्तावेज जारी करडन। मच्छी पालन विभाग आसेआ आयोजित इस कार्यक्रम च कोई 1 ज्हार मच्छी पालक करसान ते मछेरे हिस्सा

लैंडन। इस चाल्ती दा परमिशन दस्तावेज, 2025 बरे दे भारती इंडे आहले मच्छी बेड़े आसेआ खुल्ले समुंद्रे च मच्छी संसाधन सरबंधी दिशा-निर्देशे मूजब एह लाजमी प्रावधान ऐ। ओडिशा गैहरे समुंद्री मच्छी पालन मिशन 2026-36 समुंद्री अर्थ बवस्था दी इक प्रमुख पैहल ऐ ते एहदा उद्देश्य राज्य दे समुंद्रे कन्नै लगदे इलाके ते गैहरे समुंद्रे च पाए जाने आहले संसाधने दी छमता दा पूरा इस्तेमाल करना ऐ ते ओडिशा गी गैहरे समुंद्रे च मच्छी पालन ते समुंद्री उत्पादे दे निर्यात दे इक प्रमुख केंद्र दे रूपे च स्थापित करना ऐ।

<><><><><><>

IMF India Growth

अंतराष्ट्रीय मुद्रा कोष IMF नै अपने जुलाई 2026 दे कलेंडर बरे बारे ताजा अनुमान मुजब भारत सकल घरेलू उत्पाद यानी GDP दे 7 प्रतिशत बने दे रौहने दी मेद जताई ऐ- अजेकी 2026-27 आहले माली बरे दी बिनाह पर कुलसंसारी चुनौतिये ते तेल दिए उच्चिये कीमते दे कारण इसी दना घटाइये 6 इशारिया 4 प्रतिशत कीता गेदा ऐ ते एहदे बावजूद बी भारत दुनिया दी सब्भने शा तेजिया कन्नै बरोस करने आहली अर्थबवस्था बनी दी ऐ। तौंआई अगले बरे एहदे च सुधार कन्नै एहदे 6 इशारिया 7 प्रतिशत रौहने दा अंदाजा दस्सेआ गेदा ऐ।

<><><><><><>

Ind. Myanmar Coop.

भारत ते म्यांमा दे बश्कार दंडु दिने दी बैठक कल नमी दिल्ली च सम्पन्न होई। राष्ट्री स्तर दी इस 23मी बैठक ते दौने पक्खे सुरक्षा सहयोग बधाने पर चर्चा कीती। गृह मंत्रालय नै दस्सेआ जे दौने पक्खे-आतंकवाद- उग्रवाद- नशीले पदार्थ- हथियारे- जंगली जीए ते मनुक्खी तस्करी- साईबर अपराध ते संगठित अपराधे सने अंतराष्ट्री अपराधे कन्नै निबडने च सहयोग बधाने पर चर्चा कीती। उने खूफिया जानकारियां सांझी करने ते सांझी सुरक्षा चुनौतिये दा असरदार ढंगे नै हल कड्डने लेई समर्थ निर्माण आली पैहलकमदिये गी अपनाने पर बी सैहमति व्यक्त कीती। उने भारत-म्यांमा बन्ने पर मजूदा सुरक्षा स्थिति दी बी समीक्षा कीती। म्यांमा ने आश्वासन दिता जे ओदी धरते दा इस्तेमाल भारत दे सुरक्षा हिते खलाफ नैई होन दिता जाहगा।

<><><><><><>

US –Iran Air Strikes

अमरीका नै ईरान पर परतिये ब्हाई हमले कीते न। ए हमले,अमरीकी राष्ट्रपति डोनाल्ड ट्रम्प आसेया ईरान दे परतिये ते गेदे हमले दे बाद कीते गे न। ट्रम्प होरे ईरान पर होर्मुज जल डमरु मध्य च कारोबारी ज्हाजे पर हमला करने दा आरोप लांदे होई आखेआ जे अमरीकी हमले जवाबी कारवाई च कीते गे न। उने चेतावनी दिती कि जेकर ईरान नै फही हमले कीते तां अमरीका एदा होर तगड़ेआई कन्नै जवाब देग। तौंआई ईरान दे मीडिया नै चाबहार-बंदरअब्बास-बूशैहर ते बंदर-महशहर सने केई दक्खनी शैहरे च धमाके दी सूचना दिती ऐ। अमरीका दे सेंट्रल कमान नै आखेआ ऐ जे ईरान च केई

रक्षा प्रतिष्ठानें गी निशाना बनाया गया ऐ। ए हमलें ईरान आसेया बहरीन ते कुबैत च अमरीका दे फौजी ठिकानें पर हमलें दे बाद होए। ईरान दा आखना ऐ जे उसी होर्मुज जल डमरु मध्य च ज्हाजें दियें गतिविधियें गी नियंत्रित करने दा पूरा-पूरा अधिकार ऐ।



Wimbledon

भारत दे 18एं बरे दे टेनिस खडारी अर्णव पापर कर ने विम्बेल्डन 2026 च मर्दे दी सिगल्स स्पर्धा च क्वाटर फाइनल च पुज्जियै इतिहास रची दिता ऐ। पिच्छले 36एं बरे च जूनियर बोआएज़ सिंगल्स दे क्वाटर फाइनल च पुज्जने आहले ओ पैहले भारतीय बनी गे न।

अर्णव पापर कर शा पैहले एह कारनामा भारती टेनिस दे दिग्गज लिण्डर पेस ने 1990 च कीता हा- जिनें अगगे चलियै एह खताब बी अपने नां करी लैता हा।



Cricket

भारत ते इंग्लैंड बश्कार मजूदा 5 मैचें दी श्रृंखला दा 4था मैच अज्ज ब्रिस्टल दे काउंटी ग्राउंड च खेडेया जाहग। भारती समें दे मताबक मैच राती 10 बजे शुरु होग। 5 मैचें दी श्रृंखला च इंग्लैंड फिलहाल 2-0 कन्नें अगगें ऐ। श्रेयस अय्यर दी कप्तानी च भारती टीम लेई एह मैच “करो जा मरो” दा मकाबला ऐ- जेकर एह मैच बी भारत हारी जंदा तां श्रृंखला बरोबरी पर खत्म करने दी मेद बी खत्म होई जाहग।



IMD Weather

मौसम विभाग नै अरुणाचल प्रदेश-असम-मेघालय-बिहार-पूर्वी राजस्थान-मध्य प्रदेश-पच्छिम बंगाल दे हेठले हिमालयाई इलाके-सिक्कम ते पच्छमी उत्तर प्रदेश च अज्ज दिनें तेज बरखा बरने दी पेशनगोई कीती गेदी ऐ। कर्नाटक दे समुंदर कन्नें लगगदे इलाके-गुजरात-हरियाणा-पच्छिम बंगाल दे गंगा कन्नें लगगदे इलाके-गुजरात-हरियाणा-चंडीगढ़ ते दिल्ली च बी अज्ज तेज बरखा बरने दी मेद दस्सी गेदी ऐ-जिसलै के हिमाचल प्रदेश-केरलम-माहे-कोंकण-गोवा-मध्य प्रदेश-महाराष्ट्र-नागालैंड-मणिपुर-मिजोरम-त्रिपुरा-पंजाब-दक्खनी कर्नाटक दे अंदरुणी हिस्सें-तमिलनाडू-पुदुचेरी-कराईकल ते उत्तराखंड च बी इस्सै चाली दे मौसम दी तवक्का दस्सी गेदी ऐ जिसले कि दिल्ली NCR दे इलाके च कल्लै थमां भारी बरखा लगगी दी ऐ जेहदे नै आम जनजीवन बुरी चाल्ली प्रभावत होए दा ऐ।

